

四庫全書

經部

欽定四庫全書

經部

五禮通考卷二百十

詳校官侍郎_臣劉躍雲

給事中_戶溫常綬覆勘

總校官進士_臣繆琪

校對官中書_臣李荃

謄錄監生_臣曹希焜

欽定四庫全書

五禮通考卷一百十

刑部尚書秦蕙田撰

嘉禮八十三

體國經野

顧氏棟蒿春秋大事表吳都梅里

今為江南常州府無錫縣吳地記秦伯築

城於梅李平墟周二里二百步外郭周三十餘里其地漢為無錫縣地劉昭曰無錫縣東皇山有秦伯冢去墓

十里即舊臣井猶存杜氏通典無錫縣東南三十里有秦伯城地曰梅李鄉亦曰梅里村城東五里有皇山一

名鴻山自泰伯至闔閭二十三君俱都此遷於姑蘇今為江南蘇州府治城邑考周敬王六年闔閭

築大城周四十二里三十步小城八里二百六十步開

陸門八水門八名皆子胥所制東曰婁曰匠西曰闔曰

胥南曰盤曰蛇北曰平曰齊以地有姑蘇山因曰姑蘇

山在府城西三十里案敬王六年為吳闔閭元年魯昭

公之二十八年也韋昭國語注曰姑蘇臺名非也姑蘇

為吳國都之地名越伐吳王率其賢士重祿以上姑蘇

猶夫越樓會稽耳安有棄其國都而走保一臺乎觀

後范蠡入姑蘇之宮遂滅吳則姑蘇為吳都無疑矣

吳邑鳩茲

襄三年楚子重伐吳克鳩茲至于衡山杜注吳邑在丹陽蕪湖縣東今太平府蕪湖縣東

四十里有鳩茲港即此也漢蕪湖縣屬丹陽郡以地卑

蓄水嘗生蕪藻因名孫權使陸遜屯兵于此先主嘗謂

權曰江東形勝先有建業次有蕪湖古蕪湖城在今縣

東三十里輿地通考今蕪湖縣德政鄉有句慈社即鳩

茲之訛也衡山即橫望山在當塗縣城東北六十里街橫古通用杜注云在烏程縣南太遠非是朱方

襄二十八年齊慶封奔吳吳興之朱方杜注吳邑顏師古曰丹徒古朱方也秦始皇以其地有天子氣使褚衣

徒三千臺京岷以敗其勢因名丹徒漢置縣有孫氏所築子城特堅號鐵甕城汴宋改名曰鎮江府今為鎮江

府附郭延陵襄三十一年趙文子問曰延州來季子其丹徒縣延陵果立乎杜注季札邑本封延陵後復封州

來故曰延州來公羊傳季子去之延陵春秋時已有延陵之名其曰延州來者省文也漢改毘陵晉改晉陵尋

為郡隋廢郡置常州府唐增置武進縣與晉陵俱附郭明初并晉陵入武進季札墓在今武進縣北七十里中

浦之西攜李定十四年於越敗吳于攜李杜注吳郡嘉興縣南醉李城吳越春秋吳王大差增越封西

至于醉李然則與闔閭戰時攜李猶當為吳地杜氏通典吳國南百四十里與越分境吳伐越越子禦之于攜

李則今嘉興縣之地也古構李城在
今浙江嘉興府嘉興縣南四十五里艾子慶忌出居于

艾杜注吳邑豫章有艾縣水經注潁水出豫章艾縣
桓山西南吳公子慶忌諫夫差不納居于艾是也今

江西南昌府寧州西一百里龍平岡有古艾城
吳地淮上襄三年晉侯使荀會逆吳子于

淮上淮水東流由楚地入吳境入
善道襄五年會吳于善道杜注

地閭公穀皆作善稻范甯注曰吳地阮勝之南兖州

記云盱眙本吳善道地秦置盱眙縣項羽尊楚懷王

為義帝都盱眙許慎曰張目為盱舉目為胎城
居山上可以矚遠故曰盱眙今屬江南泗州

之隘襄十四年楚子囊師于棠以伐吳吳人自皐舟

舟之處非地名也案傳云師于棠棠為今江寧府六合縣又云吳不出而還子囊殿吳人要而擊之楚人

不能相救蓋從濱江水淺之處邀其情歸使房鍾六
首尾斷絕也約當近六合在泗州盱眙之間

年楚子蕩伐吳吳人敗其師於房鍾杜注吳地或曰
在今潁州府蒙城縣界案傳云子蕩師於豫章而次

於乾谿乾谿在今潁州府亳
州則此蒙城縣當亦相近
索臯哀十二年會吳於
索臯杜注在淮南

遠道縣東南孟康曰索臯音拓姑漢置縣宋紹興十
一年兀術陷廬州屯兵拓臯為劉錡等所敗索訛為

拓又訛為拓今廬州府巢縣西北六十里有拓臯鎮
俗猶名會吳城漢浚道故城在今廬州府治合肥縣

東與巢縣
鄖哀十二年公會衛侯宋瑗於鄖杜注
相接壤發陽也廣陵海陵縣東南有發陽縣案

晉時海陵縣屬廣陵郡今為江南泰州發陽無考今
通州如臯縣亦係海陵地縣南十里有會盟原相傳

為吳楚會盟處考春秋之世吳
桐汭哀十五年楚伐
楚始終無盟會事意必指此矣
吳及桐汭杜注

宣城廣德縣西南有桐水在今良陳侯使公孫貞子

江南廣德州西南二十五里良陳侯使公孫貞子

弔焉及良而卒杜注吳地又昭十三年晉侯會吳子

於良水道不可辭杜注下邳有良城縣即此良也前

漢於良地置良城縣屬東海郡師古曰即晉時會吳

處後漢屬下邳國晉改曰良城縣今邳州北六十里

有良顏黃哀十六年楚白公之亂王孫燕奔吳山

城顏黃氏杜注吳地在今寧國府境吳山

川夫椒哀元年吳敗越于夫椒杜注吳郡吳縣西南

庭山也在太湖中左思吳都賦指包山而為期集洞

庭而淹留即此山周迴百三十五里在今江南蕪州

府吳縣西南八十五里或云在無衡山重伐吳克鳩

錫縣西北與馬跡山相近似誤衡山重伐吳克鳩

茲至于衡山杜注在吳興烏程縣南樂鳩茲在今江

南太平府蕪湖而烏程乃浙江湖州府之附郭縣相

去太遠不可從今太平府當塗縣東北六
十里有橫山橫與衡古通用似為近之
海哀十年

帥丹師自海入齊大江自江南通州入海淮自淮安
府安東縣入海吳從此至山東登萊府界即齊地

大江哀九年吳城邦溝通江淮大江自西來流入江
南安慶府宿松縣界南岸為江西九江府德化

縣界楚地止此從此入吳境經安慶府太平府江寧
府鎮江府常州府武進江陰縣之北靖江縣之南又

東至通州之狼山入海經
淮水襄三年晉侯使荀會
流十五百餘里皆吳地逆吳子於淮上淮水

發源河南南陽府桐柏縣桐柏山東流至光州東北
又東由固始縣入江南潁州府界又東流至潁上縣

東南又東北至鳳陽府懷遠縣界自發源至此皆楚
地以下入吳又東經長淮衛至五河縣又東徑泗州

城南盱眙城北漫衍入洪澤湖盱眙即吳之善道地
襄五年會吳于善道即此又東北出淮安府清河縣

之清口與黃河會又刷河東流經山陽縣至安
東縣雲梯關入海淮上當在臨淮泗州之境
見上杜注於邦江築城穿溝東北通射陽湖西北至
末口入淮通糧道也今為邦江亦曰漕河起揚州府
城東南二里歷邵伯湖高郵湖寶應湖北至黃浦接
淮安界為山陽清其合淮處曰末口在淮安府北五
里自江達淮南北長三百餘里淮安府志云運河古
山陽清隋開皇六年鑿然吳王城邦溝出於末口即
新城北辰方之北閘也三國時以無運而塞隋因平
陳而廣之五代亦以不運而湮周以平南唐而濬之
元以兵阻而廢洪永間以漕運而復之時已築新城
則又倣宋轉運使喬維嶽之制自郡城西北逶迤轉
於西南建閘通清河口皆平江伯陳瑄之力也又云
石閘在新城北洪武十年建今廢為水閘末口即北
閘北閘即今新城之北水關末口在淮安北五里確
有可據射陽湖在淮安府東南七十里長三百里故

邦溝

時邦溝由此入淮後人於此立堰曰北神堰今漕運
皆由淮安城西而城東入淮之故道廢北神堰不復
治而射陽湖亦僅成帶水矣禹貢雒指曰今山陽縣
西有山陽瀆即古邦溝其縣北五里之北神堰即古
末口也明永樂十三年平江伯陳瑄總督漕運故老
為瑄言淮安城西有管家湖自湖至淮河鴨陳口僅
二十里與清河口相直宜鑿河引湖水入淮以通漕
瑄以聞遂發軍民開河置四牐以時啓閉此即今日
由城西入淮
笠澤 哀十七年越伐吳吳子禦之笠澤
之運道也 今太湖也亦謂之五湖周禮職方
揚州數具區浸五湖以周行五百里故名吳志東北
則有建康常潤數郡之水自百瀆注之西南則宜歛
臨安苕雪諸水自七十二漢注之源多流盛東西三
百餘里南北一百二十里周五百里今江南蘇州府
之吳吳江二縣常州府之武進無錫宜興三縣
浙江湖州府之烏程長興二縣皆其所分隸也
桐水

哀十五年楚伐吳及桐汭杜注宣城廣德縣西南有桐水桐水在今江南廣德州西北二十五里源出州南白石山西北流經建平縣界又西入宣城縣界匯于丹陽湖入大江南畿志古郡名曰桐川曰桐汭

越都會稽

今為浙江紹興府山陰縣史記帝少康之庶子封於會稽以奉禹祀至周初受封為

不成子韋昭曰周禮諸子之國封疆方二百里越不能成子言其國小也昭五年會楚伐吳事始見于經是時越地南至勾無北至于禦兒東至于鄞西至于姑蔑蓋跨有錢塘之東西至勾踐歸吳吳又增其封東至于勾甬西至于馮李南至姑末北至于平原縱橫八百餘里禦兒在今嘉興府石門縣東二十里會稽越王城在越地鄞今浙江寧波府治鄞縣禦兒越地一紹興府南十二里

語兒在今浙江嘉興府石門縣東二十里

姑蔑

哀十三年越伐吳王孫彌庸見姑蔑之旗杜注東陽

大末縣案越境西至姑蔑即秦置大末縣屬甬東哀
會稽郡晉改屬東陽郡今屬衢州府龍游縣

十二年越使吳王居甬東杜注勾章縣東海中洲是
也案越境南至勾無即此勾無即勾章越滅吳因

大城之章霸功以示子孫故曰勾章秦置縣漢武帝
遣橫海將軍韓說出勾章浮海擊閩越也是故城在

今寧波府慈谿縣西南三十五里海中洲即舟山本
朝置定海縣屬寧波府其地在故定海縣東北故定

海縣錢氏置今冥哀十九年楚公子慶公孫寬追越
改為鎮海縣地冥師至冥不及杜注越地案江西饒

州府之鄱陽縣為楚餘干縣為越餘干即漢時餘汗
越之餘也廣信府之弋陽貴溪二縣本餘干縣地此

冥地當在饒越山川會稽哀元年吳王夫差入越
州廣信之間

名史記禹會諸侯于江南計功而崩因葬焉命曰會
稽會稽者會計也水經注謂之古防山周禮所謂揚

州之鎮也在今浙江紹興海
府會稽縣東南十二里
居甬東杜注勾章縣東

海中洲也越地東至于鄞
千勾無寧波府定海縣東南
皆邊海范蠡曰吾先君

濱于東海之陂吳晉黃池之會
蠡舌庸帥師沿海沂淮以絕吳路
大江史記越兵橫

又楚世家越已滅吳而不能正
曰謂廣陵縣及徐泗等州是越地
淮水史記

勾踐已平乃以兵北渡淮與齊
周元王命為伯勾踐已去渡淮南
以淮上地與楚

邾都邾
今為山東兗州府鄒縣後改國號曰鄒
因山

時所徙古邾城在遷於繹
縣東南二十六里
杜注鄒縣北有繹中徙都

于彼山旁山旁尚有舊邑也邾既遷都于此境內應
別有繹邑宣十年公孫歸父帥師伐邾取繹必非取

其國都當是取其別邑至哀七年魯師入邾處其公
宮邾衆保于繹則棄城而棲山矣疏稱繹山在鄆縣
北而今之繹山在縣東南二十五里蓋古時縣治在
山南而今則徙于山北也文公徙都不過稍北數里

邾邑訾婁

氏趙氏皆以為邾邑在兗州府濟寧州

界漆

裏二十一年邾庶其以漆閭邾來奔杜注邾二
邑在高平平陽縣東北有漆鄉西北有顯閭

亭定十五年城漆即

閭丘

在鄆縣南蟲昭十九年宋公伐
此今鄆縣北有漆城

當在今兗州境

離姑昭三十三年邾人塞其前杜注邾邑孔穎

達曰邾魯境界相錯邾人從翼還先經魯之武城然
後始至離姑而後至邾今其地在費縣故武城之南

濫

昭三十一年邾黑肱以濫來奔杜注東海
昌慮縣今昌慮故城在滕縣東南六十里
絞哀二

邾將伐絞杜注邾茅哀七年邾茅成子以茅叛杜注
邑在今滕縣境

府金鄉縣西邾地翼隱元年公子豫及邾人鄭人
北四十里盟于翼杜注邾地在今山東

沂州府費縣偃僖元年公敗邾師于偃虛邳之成
西南九十里將歸者也杜注邾地在費縣南虛

丘杜注邾地邾人成虛丘欲以狐駘襄四年臧孫紇
侯魯公要而取之在費縣界

杜注邾地魯國番縣東南有目駘亭哀二十七年越
子使后庸來聘言邾田封于駘上即此今狐駘山在

兗州府滕縣郭東哀二年魯伐邾取沂西水也句繹
東南二十里郭東田及沂泗田

及邾子盟于句繹杜注邾地當在今鄒縣東南境哀
十四年小邾射以句繹來奔即此高氏列諸小邾地

邾山川繹文十三年邾文公卜遷于繹杜注魯國
鄒縣北有繹山一名嶧山在今兗州府

鄒縣東南二十五里郭璞曰繹山純石積構連
屬如繹絲然故名水經注嶧山東西二十里
鄒水

哀二年取鄒東田及沂西田鄒水出鄒山東則流于
邾魯之間今滕縣南十五里有鄒水即襄十九年取

邾田自鄒水者前所取
沂水 此小沂水也出太山武
末盡故邾復以賂魯陽之冠石山今兗州府

費縣為邾之沂此沂西田是也出曲阜縣尼邱山西
北徑魯之雩門者為魯城南之沂曾點浴沂昭二十

五年季孫請待于沂上以察罪是也出沂州府沂水
縣西北一百七十里者為齊之沂襄十八年晉師東

侵及濰南及沂是也禹貢淮沂其又
係沂水縣之沂與邾魯之沂自別

紀都紀 在今山東青州府壽光縣莊四年紀侯大去
其國自是紀亡於齊矣杜注紀國在東莞劇

縣今縣東南三十里有劇
城又紀城亦在縣東南
後以鄒入齊 在今青州府
臨淄縣莊二

年紀季以鄒入于齊紀于是乎始判杜注齊欲滅紀故季以鄒入齊為附庸也國語齊桓公初立正封域東至于紀鄒蓋特存之案齊都臨淄而鄒即在臨淄之境則知桓公初年齊之東向地甚狹管仲云東至于海特夸詞耳迨滅紀滅鄒後復稍併莒紀之地以自益至襄六年晏弱滅萊棠則盡有登萊之地東至于海矣杜注鄒紀邑在齊國東安平縣今臨淄東十九里有安平城又鄒亭亦在縣東

紀邑

浮來

隱八年公及莒人盟于浮來成紀好也杜注紀邑東莞縣北有邳鄉邳鄉西有公來山號邳來

間今沂州府蒙陰縣西北邳莊元年齊師遷紀邳鄒有浮來山與莒州接界邳杜注紀邑在東莞臨

胸縣東南應劭曰一作駢後為齊大夫伯氏邑管仲奪伯氏駢邑三百即此今在青州府臨胸縣東南

鄒

杜注紀邑都昌縣西有訾城今鄒杜注紀邑朱虛在萊州府昌邑縣西北三十里

今青州府安邱縣西南六十里有部山四面險絕其上寬平約數百里有古城遺址即部城也晉朱虛縣在臨朐縣東六十里

莒都莒

今為山東州府莒州接江南界武王初封莒與期于言不知何年徙都此戰國時楚簡

王滅莒地入于齊為莒初封介根今為山東萊州府邑齊潘王走莒即此

秋初徙于莒而介根為莒邑襄二十四年齊侯伐莒取介根即此漢置計斤縣師古曰計斤即介根今縣

東南四十里有計斤城莒邑密隱二年紀子伯莒子盟于密杜注莒邑城陽淳于縣東北

有密鄉今萊州府昌邑縣東南十五里鄆陵文七年有密鄉故城疑此時之莒尚都介根

如莒涖盟且為仲逆已氏及鄆陵登城見之美自為娶之杜注莒邑在今沂州府沂水縣與鄭之鄆陵有

別渠丘

成八年渠丘公立于池上杜注渠丘公莒子朱也渠丘邑名莒縣有遽里漢北海安丘縣

孟康曰古渠丘也伏琛齊記亦云渠丘亭在安丘東北十里但非莒縣境與杜不合然地自相鄰安丘縣

今屬青且于襄二十三年齊侯襲莒門于莒于明日州府復戰期于壽舒杜注莒邑在今莒州境

壽舒

杜注莒邑亦屬莒州

蒲侯氏

杞殖華還載甲宿于莒郊明日先遇莒子于蒲侯氏杜注

近莒邑大龐

昭元年莒務婁晉胡以大龐及常儀靡奔齊

常儀靡

杜注莒二邑當在莒

州北防

昭五年莒牟夷以牟婁及防茲來奔杜注莒邑城陽平昌縣西南有防亭今青州府安丘

縣西南六十里有故平昌城防亭亦在縣西南

茲杜注莒邑姑幕縣東北有茲亭今青州府諸城縣西

四十里有姑幕城茲亭在其境

年婁紀鄆

見杞昭十九年齊人伐莒地紀鄆杜注莒

邑東海屬江南海州縣北七十五里有古紀鄆榆縣今昭十年

如伐莒取鄭杜注莒莒地向子衛甯速盟于向杜

注莒地寰宇記曰莒州南七十里有向城與沂州府

東北有向城龍亢故城在今江南鳳陽府懷遠縣西

北八十五里古向城在縣東北四十五里江南通志

收入臨淮縣壽餘昭二十二年莒敗齊師于壽餘杜

二縣本相接壽餘注莒地當在青州府安邱縣境

虞都夏墟今為山西解州之平陸縣在河之北譜云

吳史記武王封周章弟虞仲于周之北故夏墟與荆
蠻勾吳為兄弟杜注虞在河東大陽縣唐改曰平陸
今縣東北四十
里有古虞城虞邑鄭倍二年晉荀息曰冀為不

注虞邑今山西解州平陸縣東北二十五里有故鄭城

虞地共池

杜注闕今平陸縣西

四十里許有共池與讓畔城相近志云虞公出奔地

顛軫

在平陸縣東北五十里

三門

在平

陸縣東五十里即砥柱之三門也見山川

虞山川顛軫

僖二年晉伐虢假道于虞曰冀

為不道入自顛軫伐鄭三門杜注大陽縣東北有顛軫坂顛軫在今山西解州平陸縣東北五十里自上

及下七山相重東西絕澗至為險仄亦曰虞坂戰國策騏驥止于虞坂而不能進是也

三門

即禹

貢之砥柱山在今解州平陸縣東五十里河流至此山有三門南曰鬼門中曰神門北曰人門水經注禹

破山以通河謂之三門

共池

桓十年虞公出奔共池杜注地名闕今山西解州平陸縣西四十里

許有共池志云虞公出奔地山海經曰甘泉之山共水出焉西流至于河

號都上陽

在今河南陝州東南周文王弟號叔始封在陝西鳳翔府寶雞縣東六十里東遷後

為秦之雍地漢書號縣注云雍為西號是也隱元年鄭人以王師伐衛杜注弘農陝縣東南有號城則從

平王東徙後所封矣

號邑下陽

僖二年虞師晉師滅下陽杜注號邑在河東大陽縣今大

陽廢縣在今西解州平陸縣東五十里又東北三十里為故下陽城

號地珙

莊二十一年王

巡號守號公為王官于珙杜注號地在河南府澠池縣界

辛莊二十二年有神降于莘杜注

號地今河南陝州破石鎮西十五里莘原是也

渭汭閔二年號公敗犬戎于渭汭杜注水之隈曲曰

汭案渭水入河處在今陝西同州府華陰縣乃號之西境

桑田僖二年號公敗戎于桑田杜注號地

在弘農陝縣東北今河南陝州靈寶縣西二十五里稠桑驛即其地

號山川

號山不見傳傳

十五年晉侯許賂秦伯東盡號略杜注從河南而東盡統界元豐志自河南府西南抵號州界三百二十

五里稍南抵鄧州界六百里皆高山深林古號略也据此則晉桃林之塞以前當屬統但傳無明文耳

渭汭

閔二年統公敗犬戎于渭汭杜注渭水出隴西東入河渭水出陝西臨洮府渭源縣界烏鼠山

西北谷東流經藍屋興平咸陽渭南至華陰縣入河渭水入河處乃統之西境也案昭二十三年荑弘曰

周之亡也三川震杜注涇渭洛水也三川舊屬西周後涇水屬秦渭水屬統旋屬晉惟洛水出陝西慶陽

府北其入河處謂之洛汭在今河南府鞏縣東北三十里則猶為周地耳

杞都淳于

在今山東青州府之安邱縣案淳于本州國地桓五年冬經書州公如曹傳曰淳于

公度其國危遂不復淳于本州國之都而杞居之是亡州者杞也然隱三年州未亡莒人所取之牟臺已

在東土與淳于為鄰杞本弱小不應立國雍邱而遶
屬小邑于千數百里之外則知春秋之前杞早居于
東土矣女叔齊曰杞夏餘也而即東夷邾莒以東皆
夷特未詳其何地耳今青州府安邱縣東北三十里
有淳于遷於緣陵在今青州府之昌樂縣亦曰營陵
路通登萊僅十四年諸侯城緣陵
蓋是時淮夷病杞齊桓遷之稍北以自近如楚遷許
於葉吳遷蔡於州來然杜注杞地則仍為杞地之錯
入於齊者耳至襄二十七年杞復遷淳于案是年晉
合諸侯之大夫城杞祁午數趙文子之功曰城淳于
蓋城杞即城淳于是杞復遷淳于之
証也今縣東南三十里有營陵故城杞邑牟婁三
年莒人伐杞取牟婁杜注杞邑城陽諸縣東北有婁
鄉自隱三年後地屬莒昭五年莒牟夷以奔魯今青
州府諸城縣東北有婁
鄉城與安邱縣接境

無婁

宣十五年仲孫蔑會齊
高固於無婁杜注杞邑

公羊作年婁蓋即莒人所取然
此時已為莒邑杜注疑有誤

庸都上庸

今為湖廣鄖陽府竹山縣文十六年楚大
饑我伐其西南庸人率羣蠻以叛楚麋人

率百濮聚于選楚使廬戢黎侵庸方城又與之遇七
遇皆北惟裨僚魚人逐之庸人遂不設備楚人秦人

巴人滅庸楚自此蓋疆今
縣東四十里有上庸故城

庸邑裨僚魚

杜注庸三
邑魚魚復

也漢置魚復縣公孫述改號曰白帝城先主改曰永
安蕭梁置信州唐改夔州今為四川夔州府治奉節
縣

庸地方城

杜注庸地上庸縣東有方城亭今竹
山縣東四十五里有方城山上平坦

四面險固山南有城周十
餘里即春秋時庸方城也

麋都錫穴

今為湖廣鄖陽府治鄖縣文十一年潘崇
伐麋至錫穴杜注麋地蓋即麋之國都錫

音陽至十六年楚伐庸麋人率百濮聚于選則麋猶存蓋庸在上庸為今竹山縣麋有錫穴及防渚為今之鄖縣房縣俱屬鄖陽府為接壤庸滅而麋亦不復存矣今與陝西四川俱接界

麋地防

渚

文十一年楚子伐麋成大心敗麋師于防渚杜注麋地杜佑曰房陵即春秋時麋國地所謂防渚者

也秦始皇徙趙王遷于房陵即此建安十四年先主遣孟達攻下房陵又使劉封自漢中乘沔水會達攻

上庸太守申耽降後孟達據房陵降魏蓋隴蜀咽喉蜀魏所必爭之地也今為鄖陽府房陵縣明季流賊張獻忠居穀城羅汝才居房縣既降復叛遂潰爛天下蓋幅員曠遠接壤四川為藏匿伏奸之地穀城屬襄

陽府今有鎮臣駐劄

徐都下邳

在今江南泗州自兩漢迄南北朝皆曰徐縣左傳杜注徐國在下邳僮縣東南漢書

志臨淮郡徐縣春秋時徐國昭三十年徐子章禹為吳所滅今泗州北八十里有古城相傳為徐偃王集

地與虹徐地婁林徐地在今江南泗州境後漢書縣接虹

志下邳國徐縣有樓亭或曰古婁林伏滔北征記曰縣北有大冢徐君墓延陵解劍之處蒲隧十

六年齊師伐徐至于蒲隧杜注徐地取慮縣南有蒲姑陂在今鳳陽府虹縣北

北燕山川濡水昭七年齊燕盟于濡上杜注濡水高陽縣東北至河間鄭縣入易水水經

注濡水出蒲陰縣南枉渚迴湍率多曲復亦曰曲逆水漢封陳平為曲逆侯即此曲逆縣章帝改曰蒲陰

縣其故城在今直隸保定府完縣東南二十里是濡水之上源矣濡水在今安州任邱間

右春秋列國都邑山川

閻氏若璩四書釋地附

康康誥大學引者四孟子引者二孔安國書傳以康
誥之康為圻內國名遠勝鄭康成作謚號解嘗證以
二事一定四年命以康誥而封於殷墟當既有誥文
輒有篇名豈待身後之謚取以冠其篇乎一史記衛
世家康叔卒子康伯伐立父謚康子亦謚康將兩代
同一易名之典乎故世本宗忠注曰封從畿內之康
從封衛衛即殷墟畿內之康不知所在也讀括地志

云故康城在許州陽翟縣西北三十五里陽翟今禹
州正周畿內地

淇竹詩集傳淇與篇淇上多竹漢世猶然此自謂漢
武帝下淇園之竹以塞決河寇恂伐淇園之竹為矢
以給軍耳酈道元云今通望淇川無復此物又可證
朱子止及漢之故然未遯其所由始惟晉戴凱之言
淇園衛地殷紂竹箭園也見班彪志此今無文毛詩所詠
瞻彼淇澳綠竹猗猗是北土寒冰至冬地凍竹根類

淺故不能植惟箴音竹根深故能晚生故曰根深耐

寒茂被淇苑然則毛詩之所謂綠竹者乃箴竹非常

竹也

南山詩詠南山不必盡有指實而可指實者二焉一
曹南之山郡縣志在曹州濟陰縣東二十里南山朝
濟是也今曹縣一終南之山郡縣志在京兆府萬年
縣南五十里如南山之壽幽幽南山節彼南山信彼
南山是也今在長安咸寧藍田藍屋四縣

秦誓秦誓篇史繫於封殽尸為發喪哭之後書序則謂敗殽還歸而作王伯厚亦莫能折衷但云二書各不同金仁山竟從史余以左氏傳考之誓當作於僖三十三年夏秦伯素服郊次鄉師而哭之日不作於文三年夏封殽尸將霸西戎之時蓋霸西戎則其志業遂矣豈復作悔痛之辭哉殽晉之南境從秦嚮鄭路必經之括地志云二殽山一名嶽崙在洛州永寧縣西北二十里即古之殽道蘇代謂之殽塞淮南王

安謂之殽阪司馬遷謂之殽阨馮異謂之殽底孔穎達謂之殽關元和志謂東殽三十五里在秦關之東漢關之西是也

華嶽中庸載華嶽而不重華山名嶽亦山名蓋舉二山下故對以二水在禹貢名岍在國語名西吳管子書作西虞在前漢志名吳山後漢志名吳嶽山實一山也周禮豫州山鎮曰華雍州山鎮曰嶽爾雅釋山河南曰華河西曰嶽皆並配對舉則中庸可知矣

杞杞不足徵此時之杞非復周武王初封東樓公之杞國也初封杞即今開封杞縣索隱曰至春秋時杞已遷東國雖未知的都何所要隱四年莒人伐杞取牟婁桓二年七月杞侯來朝九月伐杞入之與今之莒州及曲阜縣相鄰可知逮桓六年淳于公即經所稱州公者其國亡杞似并之杜元凱曰遷都於淳于僖十四年杞辟淮夷諸侯為城焉杜元凱曰又遷于緣陵襄二十九年晉合諸侯以城杞即昭元年初午

數趙文子之功云城淳于者杜元凱曰杞又遷都淳
于淳于漢置縣屬北海郡其故城一名杞城在今青
州安邱縣東北三十里其遺趾宛然緣陵杜止註杞
邑臣瓚曰漢北海之營陵縣春秋謂之緣陵以余考
殆今昌樂縣東南五十里營邱城是蓋杞當春秋去
初封已千有餘里而顛沛流離賴人之力以圖存史
記一則杞小微其事不足稱述再則杞微甚不足徵
也

鄆人之子鄆魯邑名今則在鄆縣界鄆人之子乃孔子少賤時之稱集註此蓋孔子始仕之時入而助祭也最當始仕即指孔子年二十為委吏二十一為乘田吏言方與少賤稱相關合或曰二者何等卑職敢駿奔走於廟中余曰觀祭統燁者甲吏之賤者也胞者肉吏之賤者也翟者樂吏之賤者也閹者守門之賤者也皆以有事于宗廟尸以其餘畀之則委吏若周禮之委人共祭祀之薪蒸木材乘田吏周禮之牛

人羊人牛人凡祭祀共其牛牲之互與其盆簋以待
事羊人凡祭祀飾羔祭祀割羊牲祭其首者也非無
與於廟事其應在羣有司之列可知獨當祭時魯君
在前卿大夫侍從雖雖肅肅安得容一少且賤者歟
然致辭說哉故顧瑞屏以為子入廟當是隔日宿齊
始可每事問者是

魯昌平鄉陬邑太史公曰孔子生魯昌平鄉陬邑是
以國統鄉以鄉統邑昌平本山鄉蓋以山得名括地

志云在兗州泗水縣南六十里故鄒城在泗水縣東南六十里故闕里又在縣南五十里此則以曲阜之闕里名其地非真闕里也真闕里伍緝之曰背洙面泗

儀孔子時衛都濮陽為今大名府開州生平凡五至衛焉第一去魯司寇輒適衛第二將適陳過匡過蒲皆不出衛境而反衛第三過曹而宋而鄭而陳仍適衛第四將西見趙簡子未渡河而反衛第五如陳而

蔡而葉復如蔡而楚仍反乎衛儀邑城在今開封府
蘭陽縣西北二十里乃衛西南境距其國五百餘里
不知孔子先至國而後儀邑或由儀邑而國都皆不
可知要為第一次適衛時事則無疑何則封人曰二
三子何患於喪乎喪失位去國也天將以夫子為木
鐸使周流四方以行其教天生夫子豈為一魯國已
乎其語與情踪正合

觀承案木鐸二字下得絕奇集註原有兩說

然前說顓頊儼侗反不如後說清切得此閭
氏一說并失位二字亦有着落而天下二字
乃非泛然更覺神理針鋒一一相對以補集
註之缺可也

汶沂曾氏曰汶有徐州之汶有青州之汶余謂沂亦
有徐州之沂有青州之沂

周禮青州其浸沂此用周禮

論語在汶

浴沂皆指徐州言以魯事也汶出泰山萊蕪縣原山西南

入海與出琅邪朱虛縣東泰山

即今東鎮沂山

至安邱入澠者別

沂出魯魯縣尼邱山西北逕魯之雩門注於泗水與出
泰山蓋縣艾山南至下邳入泗杜預所謂大沂水者別
葉葉楚縣名故城距今南陽府葉縣治二十里中有
沈諸梁祠有方城山屈完曰楚國方城以為城即此
越王無疆曰夏路以左劉氏注楚適諸夏路出方城
人向北行以西為左故云夏路以左括地志楚嘗爭
霸中國連山累石於此以為固號曰方城一謂之長
城蓋春秋時楚第一重地也宜以沈諸梁鎮撫焉

互鄉云互鄉所在者頗多獨王伯厚引王無咎云亳州鹿邑縣外有互鄉城邑人相傳謂童子見孔子即其處前代因立互鄉縣其城猶存余謂州縣建置事關朝廷名雖或草跡猶可尋因檢新舊唐書杜氏通典隋地理志鹿邑名縣始隋開皇十八年此後未見有析置互鄉事雖伯厚語恐未足憑

荆蠻吳集注仲雍與泰伯同竄荆蠻又云仲雍居吳不達者遂以吳與荆蠻為二地實則一地寰宇記今

常州無錫縣東南四十里有吳太伯城高忠憲所謂
梅里平墟為泰伯端委之地是也下逮吳王僚二十
三君並都此惟闔閭元年始築吳郡城徙都之今蘇
州城通典吳之都其南百四十里與越分境余謂此
必指樵李賈逵曰樵李越地班固曰故就李鄉吳越
戰地今嘉興府西南有樵李城越王勾踐既棲會稽
後越語紀其地曰北至於禦兒此又指石門縣之語
溪殆詩所謂今也日盛國百里乎

匡禮記檀弓疏曰陽虎嘗侵暴於匡時又孔子弟子
顏刻為陽貨御車後孔子亦使刻御車從匡過孔子
與陽虎相似故匡人謂孔子為陽虎因圍欲殺之與
漢包咸注同足解孔子世家顏刻為僕以策指匡曰
昔吾入此由彼缺也一段不明處匡地名今大名府
長垣縣西南一十五里有匡城

川上子在川上相傳即泗水發源處今之泉林寺在
泗水縣東五十里陪尾山下四源並發寺之左右大

泉十數泓渟澄澈互相灌輸會而成溪是為泗水

長府左傳昭二十五年公居於長府杜注長府官府名九月戊戌伐季氏遂入其門長府今不知所在意其與季氏家實近公居焉出不意而攻之論語鄭註長府藏名也藏財貨曰府又意公微弱將攻權臣必先據藏財貨之府庶可結士心亦一解後反覆尋究始得之蓋應劭曰曲阜在魯城中委曲長七八里酈道元曰阜上有季氏宅宅有武子臺臺西北二里為

周公臺周公臺南四里許為孔廟即夫子之故宅也
然則今知得孔廟所在則可以知季氏宮由季氏宮
又可想像而得長府地

莒父莒父鄭康成謂舊說云莒父魯下邑明明見春
秋定公十有四年秋經文城莒父及霄何得但云舊
說杜氏注公懼而城二邑者以叛晉助范氏故是時
荀寅士吉射據朝歌晉人圍之魯與齊衛謀救之朝
歌在魯正西將八百里則莒父屬魯之西鄙子夏為

宰邑去其家密邇要亦約略言之爾

駢邑三百集註引荀子與之書社三百而富人莫之
敢距以證駢邑三百而三百字為數方明蓋孔子世
家索隱曰古者二十五家為里里各立社書社者書
其社之人名於籍楚以七百里書社之人封孔子也
則書社三百乃七千五百家駢邑今臨朐縣是管仲
所食之邑不止於此此特其一爾余因悟昭王將以
書社地七百里封孔子朱子疑七百里恐無此理不

知里也社也一也二十五家耳七百二十五家乃萬
七千五百家非如古者路程以三百步為里之里然
孔子得之即足以王故子西以為不可今論語序說
節其文為以書社地封孔子去七百字書社將何所
著然則哀十五年齊與衛地書社五百晏子昔先君
桓公以書社五百封管仲呂氏春秋越以書社三百
封墨子苟去却五百三百字其可得通乎

石門論語子路宿於石門或曰石門齊地隱公三年

齊鄭會處即此非也讀太平寰宇記古魯城凡有七
門次南第二門名石門案論語子路宿於石門註云
魯城外門蓋郭門也因悟孔子轍環四方久使子路
歸魯視其家甫抵城而門已闔只得宿於外之郭門
次日晨興伺門入掌啟門者訝其太蚤曰汝何從來
乎若城門既大啟後往來如織焉得盡執人而問之
此可想見一自孔氏言自孔氏處來也夫不曰孔某
而曰孔氏以孔子為魯城中人舉其氏輒可識不如

答長沮之問為孔某此可想見二是知其不可而為之者與分明是孔子正栖皇皇歷聘於外若已息駕乎洙泗之上不必作是語此可想見三總從魯郭門三字悟出情踪誰謂地理不有助於經學與

闕黨闕里闕黨黨名亦猶達巷亦黨名也闕里里名亦猶史記孔子世家有孔里亦里名也闕黨案兗州府志在府城東北一里有泉亦以此名荀子稱仲尼居於闕黨闕黨之子弟以化是也闕里在曲阜縣城

中至聖廟之東梅福稱今仲尼之廟不出闕里是也然闕里亦有二一在魯城中一在泗水縣南五十里以孔子生於此遂以闕里名之見史記索隱正義

闕里家語顏繇字季路少孔子六歲孔子始教於闕里而受學焉朱子引入集注作孔子始教而受學焉削去闕里字此朱子所以為精於地理也孔子時無闕里之名闕里首僅見漢書梅福傳東漢後方盛稱之蓋緣魯恭王徙魯於孔子所居之里造宮室有雙

闕焉人因名孔子居曰闕里或曰有徵乎余曰一徵
於水經注孔廟東南五百步有雙石闕即靈光之南
闕一徵於史晨饗孔廟後碑以今日拜孔子望見闕
觀式路虔跼既至升堂爾時闕尚存尚可得其名里
之由顧氏肇域記於曲阜縣則引魯世家煬公築茅
闕門謂已有闕之名不知此自魯兩觀魯象魏在雉
門之旁者春秋所謂雉門及兩觀災是也豈孔子士
庶而敢居於外朝之地哉比而同之誤矣讀集注者

要須心知其意於此益悟家語果王肅私定以難鄭
元而非朱子所恨不見之古文家語何則古文家語
那得有闕里字而有之應出王肅手豈非知其意者
由於論其世也哉朱子削而存之有以夫

柳下卞今泗水縣莊子為邑大夫子路即其治民武
城今在費縣子路為之宰曾皙父子澹臺滅明皆其
治民展禽為魯公族居應於曲阜而食邑則在柳下
柳下今不可的知所在以顏觸言秦攻齊令有敢去

柳下季龍五十步而樵採者死不赦證之古人多葬於食邑龍所在即邑所在則柳下者自當在齊之南魯之北二國壤接處方昔為魯地後為齊有也

固而近於費前漢志顓臾國在泰山郡蒙陰縣蒙山下費縣為魯季氏邑則屬東海郡杜氏通典總收於沂州費縣下曰有蒙山有東蒙山有顓臾城又有子游所宰之武城余讀酈注沂水條云沂水從臨沂縣東流逕蒙山下又東南逕顓臾城北又東南流逕費

縣故城南案其里程相距纔七十里故曰近

東蒙東蒙山名即書之蒙羽其藝詩之奄有龜蒙之
蒙也自元和志誤析為二謂在沂州費縣西北八十
里者蒙山在費縣七十里者東蒙山相距僅五里覺
論語與書詩遂各有所屬余舉漢地理志蒙陰縣注
曰禹貢蒙山在西南有祠顓臾國在蒙山下證其為
一山也

首陽史記正義首陽山凡五所王伯厚攷曾子書以

為在蒲阪舜都者得之余謂莫徵信於酈注然已兩

說互存既云河北縣雷首山

今在蒲州

有夷齊廟闕驛十

三州志曰山一名獨頭山夷齊所隱也山南有古冢

陵柏蔚然攢茂邱阜俗謂之夷齊墓又云平縣故城

有首陽山

今在偃師縣

春秋所謂首戴也夷齊之歌所矣

曰登彼西山上
有夷齊之廟
蓋莫能定爾總之認餓
為失國而餓
兩地皆可遞跡
認餓為恥
食周粟則寧
死乎唐虞揖遜區
不知恥食周粟者必無之事也

微箕微箕二國名鄭康成以為俱在圻内今潞安府潞城縣東北一十五里有微子城遼州榆社縣東南三十里有古箕城皆其所封地疑近是余獨慨有周御世文物一新微子國於宋箕子封於朝鮮雖各待以不臣而回首故封頓成墟里此他日微箕二子咸有麥秀之悲也

河河内大師摯適齊章集注河河内漢漢中海海島也並本邢疏緊貼入字作解以為妙矣而河内

之解則大不可蓋古所謂河內者在冀州三面距河之內非若漢郡之但以懷汲為河內史記正義曰古帝王之都多在河東河北故呼河北為河內河南為河外又曰河從龍門南至華陰東至衛州東北入海曲繞冀州故言河內豈此鼓方叔當日去魯真入冀州河之北乎抑不過居於河之濱即曰入乎且認煞入字勢必如關關雎鳩在河之洲水中可居者曰洲又必如汎彼柏舟在彼中河中河之中也然後可此

豈人所居處者哉疏義至此鑿矣拘矣或來詰曰國語昔殷武丁能聳其德至於神明以入於河自河徂亳韋昭解入於河曰遷於河內入字不當作如是解耶余獨以為否否蓋盤庚自河北而河南都亳殷皇甫謐以為今偃師是三傳至於武丁仍都亳殷白公所謂以入於河自河徂亳者乃武丁為王子時其父小乙欲其知民之艱苦使居民閒遷徙不常故自河外入河內復自河內往河外此入于河却確指河內

言非同魯論孟子謂讀其書者當論其世余則謂并當論其地也

明堂靈臺封禪書初天子封泰山泰山東北陞古時有明堂處是古明堂至漢武帝時猶有遺蹤括地志辟雍靈沼今悉無復處惟靈臺孤立高二丈周回一百二十步是周靈臺至唐太宗時猶存

河東河內梁河東今之安邑等縣梁亦有河西六國表魏入河西地於秦是也梁河內今之河內濟源等

縣梁亦有河外蘇秦傳大王之地北有河外注云謂河南地是也河東西亦謂之河内外左傳僖十五年賂秦伯以河外列城五内及解梁城魏世家無忌曰所亡於秦者河外河内是也至河内外則梁之河北河南地蘇代曰秦正告魏我陸攻則擊河内水攻則滅大梁是然則梁之地自河西逶迤而至河南幾將二千里何以蘇秦曰魏地方千里蓋從長而橫不足絕長補短算耳然已比韓猶大比趙實小是以文侯

武侯用之則為天下疆惠王襄王用之則弱於天下
國勢固在於主德哉

文王囿七十里從來說者皆以文王七十里之囿為
疑曰那得有如許地大余亦疑者久之近考得其說
蓋三輔黃圖云靈囿在長安縣西四十二里王伯厚
以文王之囿方七十里注於下余謂在今鄠縣東三
十里正漢地理志所謂文王作鄠注今長安西北界
靈臺鄉鄠水上是
杜氏左傳注鄠在鄠縣東有靈臺有鄠杜竹林南山檀柘號稱陸海

為九州膏腴者文王當日弛以與民恣其芻獵以往
但有物以蕃界之遂名之曰囿云爾此實作邑於豐
時事非初岐山事也豐去岐三百餘里善乎穀梁傳
云山林藪澤之利所以與民共也虞之非正也注虞
典禽獸之官言規固而築之又置官司以守之是不
與民共同利曾謂文王當日而如是乎後漢武帝建
元中舉籍蓋屋鄠杜除以為上林苑屬之南山即其
處但武帝為己之禽荒較文王以利民者異一武帝

為已之行幸更衣較文王以講武者異二武帝周表
三百里中容千乘萬騎且較文王三倍而贏矣異三
武帝時盡化為腴產其賈畝一金規以為園殊可惜
故來東方朔之諫若文王則初闢土亦猶天作高山
太王荒之者縱民芻獵而不禁豈不適相宜異四說
者不察乎圓之所在又不通古今情事之異徒執以
岐山國僅百里不知文王由方百里起耳豈終於是
者哉或曰以穀梁傳所云里數計今之六十二里遂

當古之百里故左傳黃人謂自郢及我九百里今自
江陵至光州僅七百里邾子謂吳二千里不三月不
至今自蘇州至鄒縣僅一千五百里則周時七十里
之囿今僅四十三里參以毛詩傳囿所以域養禽獸
諸侯四十里恰合

此四十里又與今合古書
籍所云里數原具有兩說此又一

說云

雪宮齊宣王見孟子於雪宮解者謂雪宮孟子之館
宣王就見於此因誇其禮遇之隆賢者指孟子與上

文梁惠王賢者指人君言不同果爾孟子當正色而對以明不屑安得含糊曰有而即引之與民同也元和郡縣圖志齊雪宮故址在青州臨淄縣縣即其故都東北六里晏子春秋所謂齊侯見晏子於雪宮今晏

子春秋無此語

然則先孟子雪宮又為晏嬰館舍耶蓋齊離

宮之名游觀勝迹宣延見孟子於其地非就見之謂又管晏孟子羞稱茲以與民樂忽詳及晏子對景公一段故實蓋亦以此地曾為先齊君臣共游觀以近

事為鑒則言易入此又須會於言外

轉附朝儻趙注琅邪齊東南境上邑集注因之漢郊
祀志作在齊東北非也今諸城縣東南一百五十里
有琅邪山山下有城即其處余曾徧考轉附朝儻二
山杳不知所在惟趙氏德南宋人有轉附附作鮒屬
萊州之說殊無依據妄意此二山當在海之東盡頭
如成山召石山之類登之可以觀海惟至海盡頭然
後回轍循海之濱西行以南至琅邪亦可觀海焉計

其自齊都臨淄一千三百里抵於海復自海一千一

百餘里至琅邪凡二千四五百里以春秋之侯封而

騁其雄心肆其遠略如此真從前所未有後惟秦始皇

皇二十八年並

讀曰傍

渤海以東

往東也

過黃

今黃縣達萊縣

腫

今福山縣棲霞縣

窮成山

在文登縣封禪書成山斗入海

登之罘

在福山縣蓋回鑾也

南留琅邪三月三十七年自琅邪北至榮成山

正義曰即

成山射巨魚之罘遂並海西至平原津

今平原縣

漢武帝太

始三年行幸琅邪禮日成山登之罘浮大海司馬相

如賦曰齊東階鉅海南有琅邪觀乎成山射乎之罘
正暗用秦皇之事或曰今青州為齊地若萊州則萊
子國登州則牟子國皆非齊有景固可以任其車轍
馬跡所之乎余曰萊子城在黃縣東南二十五里國
已滅靈公十五年所以晏子對景公言聊今聊城縣攝今博
平縣以東姑尤以西姑大沽河尤小沽河一出黃縣一
出掖縣實齊之東界也指畫明析如是惟今寧海州
文登縣尚屬牟子國要亦不過蕞爾附庸素服後於

疆大者晏子所謂為諸侯憂正指此等何難登其山而臨其海乎

水許孟子太王去邠踰梁山邑於岐山之下居焉云山而不及水詩詠古公辟狄率西水許至于岐下云水而不及山太史公生當後合而作周本紀曰遂去豳渡漆沮踰梁山止於岐山將自邠抵岐東南二百五十餘里登山涉水敘次如畫然程大昌雍錄謂渭水實在梁山下之南循渭西上可以達岐則詩水字

又與漆沮無干似益精確矣

梁山雍州有二梁山一在今韓城郃陽兩縣境書治梁山及岐詩奕奕梁山春秋梁山崩爾雅梁山晉望也皆是於孟子之梁山無涉孟子梁山則在今乾州西北五里其山橫而長自郃抵岐二百五十餘里山適界乎一百三十里之間太王當日必踰此山然後可遠狄患營都邑改國曰周古諸侯國名雖曰受之天子傳之祖宗而隨在易名初不以為嫌如唐叔虞一

傳而子變改國為晉魏侯留國於梁韓哀侯國於鄭
曰鄭無後代所為同家異國之說後秦始皇幸梁山
宮從山上見丞相車騎甚衆弗善亦此梁山也

齊滅薛余向主孟子之滕與文公言當在赧王元二
間丁未戊申爾時薛滅已久非至是齊始取其地而
城之也六國表田齊世家孟嘗君傳並云湣王三年
庚子封田嬰於薛實通鑑顯王四十八年事薛不滅
無由以薛封靖郭君嬰不封無由薛城中有靖郭君

冢此事理至易明者薛滅已八九年齊方於此築城
戰國策載靖郭君將城薛矣以客海大魚之諫乃輟
城薛何妨至是復欲城且將之為辭事未定也孟獻
城虎牢而鄭人懼晏弱城東陽而萊子服文公焉得
而不恐哉

微仲微畿內國名孔安國傳亦云嘗思微子既國於
此其長子應曰微伯蚤卒有子名臚次子曰微仲名
衍即後國於宋者以周禮適子死立適孫次子不得

于焉微子則從其故殷之禮舍己之長子之子臚而立己次子衍故微仲實微子之第二子非其弟也此與子服伯子引以況公儀仲子者脗合其證一班固古今人表於微子下注曰紂兄宋微中下注曰啟子其證二啟既殷帝乙之元子衍果屬次子王畿千里豈少間土斷無兄弟並封於一國之理其證三則知微仲也者子襲父氏上有伯兄字降而次氏者胙之土而命之氏字者五十以伯仲之字也不意包爾庚

時文亦云微仲者微子之次子也無國邑而稱微從父爵也厥後襲封宋公終身止稱微仲忠孝之義也又云啟為長兄分稱元子仲為支庶屬則王孫不覺擊節如得一真珠船矣

歷山河濱雷澤舜耕於歷山歷山所在多有以宋河東縣今蒲州者為是陶於河濱陶之所在何必定陶且定陶以邱名以括地志陶城在河東縣北三十里為是漁於雷澤雷澤與禹貢合即宋雷澤縣在今濮

州之東南是

平陸平陸為齊邊邑六國表田齊世家康公貸十五年魯敗我平陸徐廣曰東平陸縣余謂漢屬東平國為古厥國孔子時為魯中都邑地爾時屬齊即今汶上縣是又有陶平陸則梁門不開張守節曰平陸唐兗州縣即中都在大梁東界故曰平陸齊邊邑也

靈邱靈邱亦屬齊邊邑趙世家敬王二年敗齊於靈邱六國表敬侯九年魏武侯九年韓文侯九年因齊

喪共伐之至靈邱又趙世家惠文王十四年樂毅將
趙秦韓燕攻齊取靈邱明年燕獨深入取臨菑加以
蚘鼃去王遠無以歲王闕特辭靈邱請士師足徵為
邊邑但實不知其所在耳時趙別有靈邱以葬武靈
王得名即今靈邱縣孝成王以靈邱封黃歇絳侯擊
破陳豨於靈邱皆其地注史記者以此之靈邱為齊
之靈邱無論齊境不得至代北而敬侯時安得國有
靈邱胡三省注齊靈邱又以漢清河郡之靈縣當之

抑出臆度毋寧闕疑

蓋孟子蓋大夫王驪與兄戴蓋祿之蓋同音集注於前云齊下邑後云陳氏食采邑當是二邑宋王伯厚謂漢泰山郡蓋縣故城在沂州沂水縣西北僅一處無二地頗不可解後讀左氏春秋傳趙衰為原大夫於時先軫亦稱原軫子趙同為原同於時先穀亦稱原穀唐孔氏曰蓋分原邑而共食之僖二十五年狐溱為溫大夫文六年陽處父至自溫故成十一年劉

子單子曰襄王勞文公而賜之溫狐氏陽氏先處之亦共食一邑者因悟蓋一也以半為王朝之下邑王驪治之以半為卿族之私邑陳氏世有之然則當時蓋亦大矣

羸余嘗愛京山郝氏解孟子為行三年之喪但以誤認邑名遂不合禮制成辨一篇曰或問孟子歸葬於魯時未幾也充虞治木言前日耳輒反於齊豈不終喪而遂復為齊卿乎案喪禮三日成服杖拜君命及

衆賓不拜棺中之賜禮凡尊者有賜則明日往拜喪則孝子不忍遽死其親故贈襚之賜拜於葬後孟子奉母仕於齊母卒王以卿禮含襚及歸魯三月而葬反於齊拜君賜也其止于嬴何也禮哀經不入公門大夫去國踰竟為壇位鄉國而哭此喪禮也故自魯越國至齊境上為壇位成禮於嬴畢將遂反也解者不悉謂孟子勸人行三年喪而身違之又罪萬章之徒脩文不善可謂逐臭李觀左袒臧倉者矣余考或

問及解者二段俱出郎瑛七修類稿亦能疑人所未
疑者而特不能辨釋郝氏從而辨釋之可謂精矣少
錯解止於羸句羸齊南邑春秋桓三年公會齊侯於
羸杜注云羸今泰山羸縣案羸縣故城在萊蕪縣西
北四十里北汶水之北去齊都臨淄尚三百餘里豈
有拜君賜於三百餘里之外者乎且衰經不入公門
未聞不入國門也為壇位而哭乃出亡禮非喪者所
用蓋孟子母歿於齊及奉喪來歸皆哀戚匆遽無暇

可語惟至往齊拜賜舍於逆旅始得以一論匠事耳
以論匠事於止嬴日故繫止於嬴亦猶與公孫丑論
不受祿於居休日故繫以居休豈必別有義在乎禮
斬衰唯而不對齊衰對而不言孟子居母喪正齊衰
故猶答充虞以言而但不先發言於人耳夫一唯一
對猶致謹不失如此曾謂孟子奪喪復仕若當時莫
之行者一輩所為哉亦太誣矣郝氏之亟正也固宜
又曰或問子以孟子奉母仕于齊其說亦有徵乎余

曰徵之劉向列女傳傳云孟子處齊有憂色擁楹而
歎孟母見之云云則知母蓋同在齊自齊葬於魯則
知母即歿於齊也然則既歿而葬宜終喪於家曷為
而遽反於齊余曰此蓋終三年喪復至齊而為卿耳
非遽也果爾何以為前日解余曰孟子之書有以昔
與今對言昔似在所遠而有指昨日者昔者辭以疾
是也以前日與今對言前日似在所近而亦有指最
遠者前日願見而不可得是也夫孟子久於齊而後

去去齊之日上溯其未游齊之日猶目之為前日安
在僅三年者而不可目以前日耶或訝曰充虞蓄一
疑於心至三年始發之與余曰此尤足以見孟門弟
子之好問也陳臻從於齊於宋於薛辭受之後而問
屋廬子從居鄒處平陸以至見季任不見諸子之後
而問其事之相距誠非止一二年而歷歷記憶反覆
以究其師之用心者猶一日也夫充虞亦猶是爾且
尤可證者孝子之喪親言不文今也援古論今幾於

文矣三年之喪言而不語語為人論說也後魏孝文帝以與公卿徃復追用慟絕曰朕在不言之地不應如此喋喋然則孟子反喋喋邪見顧出孝文下邪故充虞問答斷自於免喪之後者為得其實也或又訝曰向所稱郝氏之解非與曰非也曷徵乎爾曰徵之於儀禮士喪禮云三日成服杖拜君命及衆賓不拜棺中之賜注謂既殯之明日全三日始歆粥矣禮尊者加惠明日必徃拜謝之棺中之賜不施已也既夕

記云主人乘惡車注謂拜君命拜衆賓及有故行所乘也然則當孟子母歿於齊必赴於王王使人弔與成服後往謝所謂乘惡車者是王使人襚與則所謂棺中之賜不施已者禮明云不拜况葬後耶郝氏之誤解可足據邪總之孟子拜君命非拜君賜拜亦於殯後非葬後皆不出齊都城之事邱文莊濬家禮儀節有云世俗親友來弔其孝子必具衰經躬造其門謂之謝孝使居喪者纍然衰經奔走道塗信宿旅次

甚至浹旬彌月考之古禮無有也夫文莊謂無有而孟子反有之邪喪禮至近代不講宜郝氏之說紛紛也

畫畫當作畫不待言齊西南近邑集注本趙氏劉熙來但括地志以畫即戟里城在臨淄城西北三十里一南一北殊判然余謂孟子去齊歸鄒鄒實在齊之西南上云南者是又因悟樂毅初入齊聞畫邑人王蠋賢令軍中環畫邑三十里無入則爾時齊都城西

南隅無敢有闌出者矣

休孟子致為臣而歸歸於鄒也中間經過地名休者少憩焉與丑論在齊事故曰居休故休城在今兗州

府滕縣北一十五里距孟子家約百里

路史國名紀休在潁川或

云介休介在
膠西並非

河注海禹於帝堯八十載癸亥告成功河自右碣石入於海碣石山名在今永平府昌黎縣後二千六百七十六年為周定王五年己未周譜曰河徙水經注

曰河徙故瀆並不言所在惟漢地理志魏郡鄴縣下
注云故大河在東北入海此河入海之一變也鄴縣
城在今彰德府臨漳縣西逮漢武帝元封二年壬申
既塞宣房後宣帝地節元年壬子前此四十一年間
河復北決於館陶分為屯氏河東北至章武入海章
武城在今河間府鹽山縣西北此河入海又一變也
宋史河渠志神宗熙寧十年丁巳七月乙丑河大決
於澶州曹村澶淵北流斷絕河道南徙東匯於梁山

張澤灤分為二派一合南清河入於淮一合北清河
入於海北清河濟水故道南清河即今泗水淮安府
清河縣之清口是此又一變矣洪武二十四年辛未
河全入於淮而故道遂淤雖永樂九年辛卯復疏入
故道而正統十三年戊辰終合并於淮為河入海之
又一變於是天壤間所謂四瀆者僅有二瀆殆非人
力之所能為矣

汝或謂漢賈讓言大禹治水辟伊闕與鑿龍門析底

柱破碣石同而伊闕之山禹貢不見余曰伊洛瀍澗
既入於河伊水能順流非辟闕之功而何此禹貢之
簡處或又謂禹廐二渠以引其河於禹貢亦不見余
曰其一出貝邱即河之經流其一潞川潞即兗州之
貢道也或又謂禹之行河水本隨西山下東北去又
河西薄大山東薄金隄則金隄者乃禹作不謂禹復
爾爾余曰九澤既陂陂亦隄也方當泛濫時鯀務多
為隄防以湮之水性逆故其患不息禹導水由地中

行向鯀所為隄防以障水者皆可用之以輔水事固有因敗以為功者存乎其人之善用耳故曰禹能修鯀之功惟汝水絕跡於禹貢而孟子言決汝得毋近鑿空余曰觀爾雅從釋地已下至九河皆禹所制名中有曰水自汝出為潰又曰汝有潰此豈禹一無所事於汝而被以是名與又豈汝自天然入於淮而無須禹力與故決汝二字正可補經文之不備

淮注江淮水入江自孟子一時誤記朱子所謂不必

曲為解說最是然鄭夾漈已曲為之說曰案左傳哀九年吳城邾溝通江淮自是江淮始相通孟子蓋據哀公後吳王夫差所掘之道以為禹迹而忘却禹貢不知亦非然也杜注明謂於邾溝築城穿溝東北通射陽湖西北至末口入淮乃引江達淮與孟子排淮入江者不合直至隋文帝開皇七年丁未開山陽瀆煬帝大業元年乙丑開邾溝皆自山陽至揚子入江水流與前相反蓋至是孟子言始驗余嘗謂孟子說

錯了淮入江後九百餘歲隋果引淮南入江若孟子預為之兆者亦屬異事

濟四瀆水之易變者莫若河變而至於絕者莫若濟余討論濟瀆評以二言曰新莽後枯而復通唐高宗前通而復枯咸出天數夫豈人謀蓋後漢郡國志曰濟水王莽時大旱遂枯絕者此初絕也酈注濟水條曰其後水流逕通津渠勢改故杜釋春秋郭注山經並云今濟水至博昌入海者此復通也章懷太子賢

循吏傳注曰濟水王莽末旱因枯涸但入河內而已
似素不知中間有復通之事者此終絕也

漯集注漯水名亦不核當云漯者河之支流也出東
郡東武陽東北至千乘入海不然止云水名安知非
漢地理志高唐之漯水乎

宋滅滕漢地理志滕三十一世為齊所滅杜氏釋例
文王子錯叔繡之後十七世至宣公始見春秋隱公
以下春秋後六世而齊滅之水經注並同竹書紀年

於越滅滕惟戰國策作宋滅而通鑑繫之赧王二十九年乙亥上距孟子勸行仁政甚遠集注於宋初王時卽曰嘗滅滕無乃驟與只當曰宋君偃立十一年自稱王敗齊楚魏之兵欲霸天下疑卽此時云

莊嶽炳燭齋隨筆曰引而置之莊嶽之間注云莊嶽齊街里名疏別無一語案左傳襄二十八年得慶氏之木百車於莊昭十年又敗諸莊哀六年戰於莊卽此莊也襄二十八年慶封反陳於嶽卽此嶽也蓋皆

齊城內街里之名此繫經典正文疏家全不引之足見其疏余謂朱子言疏乃邵武士人作不解名物制度書不似疏益為信然

近刻日知錄並同

於陵顧野王輿地志齊城有長白山陳仲子夫妻所隱處酈注魚子溝水南出長白山東抑泉口山即陳仲子夫妻之所隱志長白山者節去下山字若以抑泉口即其家於陵非也唐張說石泉驛詩目下自注於陵仲子宅漢於陵故城章懷太子賢曰在今淄州

長山縣南與通典合張說詩云長白臨江上於陵入
濟東我行弔遺跡感歎石泉空石泉非孟子所謂井
者耶江繡江發源長白山南今章邱縣消河是計於
陵仲子家離其母所居幾二百里矣

滄浪集注滄浪水名殊非蓋地名也當云武當縣西
北四十里漢水中有洲名曰滄浪漢水流經此地遂
得名滄浪之水云善乎宋葉夢得云天抵禹貢水之
正名可以單舉者若漢若濟之類是不可單舉者則

以水足之若黑水弱水之類是非水之正名而因以
為名則以水別之若滄浪之水者是

北海東海齊世家太公望呂尚者東海上人注未悉
後漢琅邪國海曲縣劉昭引博物記注云太公呂尚
所出今有東呂鄉又釣於棘津其浦今存又於清河
國廣川縣棘津城辯其當在琅邪海曲此城殊非余
謂海曲故城通典稱在莒縣東則當日太公辟紂居
東海之濱即是其家漢崔瑗晉盧無忌立齊太公碑

以為汲縣人者誤伯夷孤竹國之世子也前漢遼西
郡令支縣有孤竹城括地志孤竹古城盧龍縣南十
二里余謂今永平府治河入海從右碣石正古之北
海在今昌黎縣西北亦是當日辟紂處去其國都不
遠通志以居北海為濰縣者亦誤

畢郢畢郢曰畢原實有二處在渭水南之畢原一名
畢郢周文王墓在焉周公薨成王葬於畢史稱畢在
鎬東南杜中地迨終南韓愈南山詩前尋徑杜墅全

蔽畢原陋是在渭水北之畢原則名陌秦惠文王陵
在焉悼武王陵亦在焉隔僅一里元和郡國圖志畢
原即咸陽縣所理也原南北數十里東西二三百里
無山川陂湖井深五十丈亦謂之畢陌漢氏諸陵在
其上故劉滄咸陽懷古詩渭水故都秦二世咸原秋
草漢諸陵是至文王庶子高所封畢左氏注云在長
安縣西北是畢郢通典云在咸陽縣是畢陌兩杜氏
之言吾從預

溱洧溱洧二水名說文引詩溱與洧作漕曰漕水出鄭國洧水出潁川陽城山東南入潁史記注引括地志以為古新鄭城南洧與溱合水經亦云余讀酈道元注於洧水相鄰者若丹水汝水潁水潁水渠水沙水皆不載有橋梁獨洧水一則曰又東逕陰坂北水有梁焉再則曰又屈而南流其水上有梁謂之相門橋則洧水之宜置有梁孟子言殊非無因竊以諸葛武侯相蜀好治官府次舍橋梁道路所至井竈藩溷

皆應繩墨子產治鄭何獨不然此亦不過偶於橋有
未修以車濟人而孟子遂即其事以深論之云

武城曾子居武城即仲尼弟子列傳之南武城魯邊
邑也在今費縣西南八十里石門山下吳未滅與吳
鄰吳既滅與越鄰越王句踐嘗徙治琅邪起館臺又
嘗與魯泗東地方百里此豈待浮海入寇而後至武
城邪講義為是說者總緣朱子集注不詳及地理耳
然考魯哀十三年吳會於黃池越亦曾遣舟師浮海

入淮以邀之由吳之壤隔絕也今越既并吳商魯之間可以惟兵橫行寇之興也何嘗之有余因又悟春秋四書穀而一書小穀者別於穀也明其為管仲之邑也史記加南於武城上者別於魯之北有東武城也明曾子之為費邑人也

幽州書孔疏云流四凶在治水前於時未作十二州則無幽州之名而云幽州者史據後定言之非也當流共工時此地已名幽州即今密雲縣是括地志故

龔城在檀州燕樂縣界故老傳云舜流共工幽州居
此城幽州其地狹及後肇十有二州取顓頊北至於
幽陵帝堯北方曰幽都之幽以名所分冀州東北地
即今順天府遼東廣寧衛以西是幽州其地廣大抵
帝王廢置理必相沿舜立幽州合因於古矣

崇山書孔疏云禹貢無崇山不知其處蓋在衡嶺之
南也亦非通典澧州澧陽郡理澧陽縣本漢零陽縣
地有崇山即放驩兜之所宋則在慈利縣路史以為

今有驩兜墓是然又引嶺外驩州圖經合之寰宇記
並以驩州為放所頗疑其去崇山遠後楊升菴引沈
佺期長流驩州時嘗案九真圖崇山至越裳四十里
杉谷起古崇山竹谿從道明國來於崇山北二十五
里合故詩云朝發崇山下暮坐越裳陰西從杉谷度
北上竹谿深竹谿道明水杉谷古崇岑越裳古國名
重九譯者在秦為象郡兩漢為九真郡吳分置九德
郡梁曰德州隋開皇十八年改驩州煬帝改日南郡

唐兩因之理九德縣佺期又有移驩州解詩云古來
堯禪舜何必罪驩兒是真以州得名由驩兒也者不
知漢九真郡治胥浦縣莽曰驩成又領有咸驩縣開
皇十八年改州名實本此合之唐武德曾於咸歡縣
置驩州則驩與歡同乃驩喜之驩於驩兒了不相涉
三苗三苗國名杜元凱闕其所在惟張守節據吳起
言昔三苗氏左洞庭右彭蠡洞庭湖名在岳州巴陵
縣西南一里南與青草湖連彭蠡湖名在江州潯陽

縣東南五十二里以天子在北故洞庭在西為左彭蠡在東為右今江州鄂州岳州三苗之地也杜氏通典則以潭州岳州衡州皆古三苗國地

三危羽山羽山見禹貢班固志載東海郡祝其縣司馬彪志亦然今贛榆縣西北八十里唐崔國輔詩羽山一點青海岸日光碎是三危山亦見禹貢班志失載司馬志未補此大闕亦直至隋地理志敦煌郡敦煌縣有三危山括地志三危山在沙州敦煌縣東南

三十里舜殛鯀於此以變東夷即禹貢之東漸於海
遷三苗於此以變西夷即禹貢之西被於流沙矣豈
直刑加其身蔽厥辜已乎

有庠有庠之在今永州府零陵縣已成千古定所而
集注云未知是否此最朱子妙處蓋一以經文為案
也經文欲常常而見之故源源而來不及待一年之
貢期五年之朝期以伸吾親愛情豈有兄居蒲坂弟
居零陵陸阻太行水絕洞庭較諸驩兜放處尤遠千

里之理且果零陵之是國也比歲一至則往返幾將
萬里其勞已甚數歲而數至勢必日奔走於道路風
霜之中而不少寧息親愛弟者固如是乎蓋有庠之
封必近在帝都而今不可考爾或曰然則今零陵曷
為傳有是名也案括地志云鼻亭神在營道縣北六
十里故老傳言舜葬九疑象來至此後人立祠名為
鼻亭窮崖絕徼非人跡可歷舜封象於有庠蓋此地
蓋者疑辭亦與集注或曰同

咸丘古人以所居之地得姓氏不必定常於其地如
咸丘魯地而蒙則齊人是咸邱二字見爾雅左高曰
咸丘見春秋桓公七年焚咸丘杜注咸丘魯地高平
國鉅野縣南有咸亭咸丘複氏自以此余最賞趙氏
注此章於東字妙有體會曰東野東鄙田野之人所
言耳咸丘蒙齊人也故聞齊野人之言書曰平秩東
作謂治農事也不然何不云齊之西或北野人乎至
今濟南府齊東縣則置於元憲宗三年以鎮而名於

孟子無涉

南河之南古帝王之都皆在冀州堯治平陽舜治蒲
阪禹治安邑安邑在今夏縣西北十五里三都相去
各二百餘里在大河之北其河之南則豫州地非帝
畿矣舜避堯之子於南河之南得母亦如左氏所云
越竟乃免乎禹避於陽城益避於箕山之陰皆此意
陽城箕山之陰陽城山名漢潁川有陽城縣以山得
名洧水所出唐武后改曰告成後又曰陽邑五代周

省入登封故此山在今登封縣北三十八里去嵩山
幾隔三十里安得即云嵩山下之深谷與箕山為嵩
高之北而張守節云箕山一名許由山在洛州陽城
縣南十三里括地志遂云陽城縣在箕山北十三里
守節又云陽城縣在嵩山南二十三里括地志遂云
嵩山一名外方山在洛州陽城縣西北二十三里足
互相證明斷斷其非一山也集注誤由趙氏只觀酈
道元注先敘太室山次五渡水並屬崇高縣又敘禹

避商均於此及周公測日景處次箕山及上有許由
冢並屬陽城縣雖同見潁水條內而山固區以別矣
桐湯墓所在殷本紀伊尹放太甲於桐宮注似引鄭
康成注書序語曰桐地名也有王離宮焉初不指為
湯葬地余以後漢志梁國虞縣有空桐地有桐地有
桐亭太甲所放處應即在於此虞今歸德虞城縣距
湯都南亳僅七十里方可伊尹既攝國政復時時往
桐訓太甲三年不然如人言湯亳為偃師偃師去虞

城八百餘里尹豈有縮地之術分身以應乎湯都仍屬穀熟鎮為是至湯墓劉向博極羣書者也告成帝云殷湯無葬處蓋直至哀帝建平元年大司空御史長卿案行水災因行湯冢始得之於汾陰亳疑縣北東郭去縣三里冢四方方各十步高七尺上平處平地馬端臨曰今河中府是故宋太祖乾德四年著諸祀典迄今不易雖有杜預湯冢在薄城中魏王泰又在偃師縣東兩說吾未敢以為據集注云云亦偶誤

本孔安國書傳

莘耕於有莘之野集注莘國名未指其所在余謂元和郡縣志故莘城在汴州陳留縣東北三十五里古莘國地計其去湯都南亳今商邱縣穀熟鎮不過四百里所以湯使可三往聘若太姒所產之莘國則在今西安府郃陽縣南三十里道遙遠矣

虞虢虞虢二國杜注虞國在河東大陽縣謂山西之平陸縣也虢西虢國弘農陝縣東南有虢城謂河

南之陝州也名雖二省而界相連莫妙於裴駟引賈逵
注曰虞在晉南號在虞南一言之下而形勢瞭然爾
時為晉獻公十九年正都於絳絳在太平縣之南絳
州之北土人至今呼故晉城遺址宛然余嘗怪杜於
莊二十六年士蒞城絳注絳今平陽絳邑縣成六年
不如新田又注新田今平陽絳邑縣竟為一地乎果
為一地不應將遷新田之時名獻公所都曰故絳矣
新田括地志在絳州曲沃縣南二里土呼王官城距

故晉城五十里明一統志平陽府古蹟載晉城在太
平縣南二十五里晉士為所築獻公都焉

屈產之乘通典慈州文成郡理吉昌縣春秋時晉之
屈邑獻公子夷吾所居漢河東北屈縣左傳云晉有
屈產之乘此有駿馬與劉昭注後漢志同余謂今山
西吉州是樂史傳會為石樓縣明一統志本之但石
樓乃漢西河土軍縣非北屈地

牛山牛山齊之東南山也本趙氏亦是岐在複壁中

所注方向少錯無論今日驗在臨淄縣南一十里亦在唐臨菑縣南二十一里括地志所謂管仲冢與桓公冢連在牛山上是酈道元注牛山一名南郊山天齊淵出焉齊此得名梁劉昭不知引何人孟子注云南小山曰牛山晉左思齊都賦云牛嶺鎮其南列子齊景公游於牛山北臨其國城而流涕夫臨曰北正以山實在其南

石丘集注止云石丘地名趙氏注宋慙宋人參以荀

子非十二子篇宋鉞注鉞與恠同宋人與孟子尹文
子彭蒙慎到同時正合孫奭疏遂云石丘宋國地也
蓋宋恠者宋人將欲往楚而孟子游宋適相值於石
丘之地又漢藝文志尹文子一篇注云說齊宣王劉
向曰與宋恠俱游稷下宋子十八篇注云孫卿道宋
子荀子宋子有見於少無見於多注宋子名鉞與孟
子同時即見漢藝文志者余因悟齊宣王喜文學將
說之士自如騶衍淳于髡田駢接子慎到環淵之徒

七十六人皆賜列第為上大夫不治而議論是以齊稷下學士復盛孟子固嘗與宋牼有雅故於齊別去久之忽邂逅石丘呼以先生請其所之殆非未同而言者比也

任任國名太皞之後風姓漢為任城縣後漢為任城國今濟寧州東任城廢縣是去古鄒城僅百二三十里宜屋廬子明日即可往問哉

淇河西王豹處淇河西善謳集注略不及趙氏注之

詳明當采入注曰王豹衛之善謳者淇水名衛詩竹竿之篇泉源在左淇水在右碩人之篇河水洋洋北流活活衛地濱於淇水在北流河之西故曰處淇水而河西善謳所謂鄭衛之聲也

葵丘春秋有二葵丘一齊地近在臨淄縣西連稱管至父所成者一宋地司馬彪云陳留郡外黃縣東有葵丘聚齊桓公會此城中遠在齊之西南故宰孔稱齊侯西為此會也又曰東略之不知西則否矣後果

七年會於淮謀鄆且東略也是孔之言驗然先未幾
獻公卒晉亂齊侯以諸侯之師伐之及高梁而還高
梁晉地又在葵丘西北幾千里是宰孔之言亦不驗
南陽左傳晉於是始啟南陽杜注在晉山南河北故
曰南陽余謂即今太行山之南河內濟源修武溫縣
地孟子遂有南陽趙注山南曰陽岱山之南謂之南
陽也余謂史稱泰山之陽則魯其陰則齊南陽屬齊
必齊之地深挿入魯界中者魯故欲一戰有之二南

陽所指各不同

公羊傳齊桓使高子將而陽之甲
立僖公而城魯注南陽齊下邑

傅巖集注說築傅巖傅氏之巖在虞虢之間今平陸
縣東三十五里是俗名聖人窟為說所僭隱止息處
非於此築也巖東北十餘里即左傳之巖軫坂有東
西絕澗左右幽空窮深地壑中則築以成道指南北
之路謂之為軫橋也說身負版築為人所執役正於
此地至今澗猶呼沙澗水去傅巖一十五里墨子尸
子並以傅巖在北海之洲者大非

說操築於傅巖
今為驗辭則可

孫叔敖海濱趙氏注孫叔敖隱處耕於海濱楚莊王
舉之以為令尹此亦是隨文解之事實無所徵莊王
時楚南境東境去海尚遠而史記稱孫叔敖楚之處
士荀子呂氏春秋並以為期思之鄙人期思故城在
今固始縣西北七十里固始本寢邱即莊王感優孟
之言以封其子者傳十世不絕其得為令尹也或曰
進自虞邱子史記說苑列女傳或曰沈尹筮力呂氏春秋或曰楚
有善相人者招聘之新序皆無起家海濱說蓋孟子

所據之書籍今不可考矣 余又考孫叔敖即宣十

一年

楚莊王十六年

令尹為艾獵艾獵乃為賈之子賈字伯

羸宣四年

楚莊王九年

官司馬為子越椒所惡囚而殺之

意者子遂武微竄處海濱不七八年莊知其賢擢為

令尹與但為賈乃遂呂臣之子呂臣繼子玉官令尹

出自公族自應為楚郢人何得遠在期思之鄙意者

叔敖子實不才

襄十五年為子馮杜注叔敖從子

徙世守封土莫顯

於朝後人遂以其子孫之占籍上繫諸先人與

東山集注東山蓋魯城東之高山蓋疑詞朱子生平
足未至曲阜故作此言其實曲阜縣東二十里有防
山孔子父母合葬處世家所謂防山在魯東絕不高
也或曰費縣西北蒙山正居魯四境之東一名東山
孟子云孔子登東山而小魯指此疑近是

范今東昌府濮州范縣本春秋晉太夫士會邑國語
是以受隨范是又半屬魯後漢志東郡范縣有秦亭
即莊三十一年築臺於秦地道記在縣西北是也孟

子時則屬齊趙注云范齊邑王庶子所封食也頗妙
蓋齊王之子生長於深宮賜第於康衢貴仕於朝內
豈容遠在七八百里之下邑而為孟子所見其在范
者殆猶靖郭君孟嘗君之薛乎既思孟子書法不曰
之齊見王子於范而曰自范之齊望見齊王子下一
望字意者當時最多交質此以王子出質敵國路經
於范遂與孟子適相值乎亦未可定

埵澤之門三衢毛氏曰呼喚也凡類息招呼則平聲

小爾雅烏呼吁嗟醫書一呼一吸為一息杜甫詩呼
兒問煮魚之類也叫號而呼則去聲詩式號式呼左
傳蒼葛呼之類也果爾魯君於垤澤之門自應如趙
注云以城門不自肯夜開故君自發聲之呼為平聲
不應如集注音去聲為叫號之呼明矣近講義又云
有作魯君自呼之聲者陋甚試看呼於門於字是呵
護傳呼來於垤澤之門尤非人之聲音闕乎貴賤呵
護傳呼乃賤者之役聲可習之而能若魯君與宋君

聲為居高養優所移豈他人能似仍屬倉卒自呼故
為監門者所疑垤澤即襄十七年築者謳曰之澤門
杜氏注宋東城南門是也或曰得毋以禹貢盟諸澤
名其門乎案盟諸澤在故宋國微子所封之東北此
自為南門耳睢陽故城在今商邱縣南東南門曰垤澤門括地志所謂宋東城南門曰澤門
是

棠春秋三棠邑一宋魯之界上隱公五年春矢魚於

棠公羊稱為邑是也今魚臺縣一楚邑伍奢長子尚為棠

君是也今六合縣一齊邑齊棠公之妻杜注棠公齊
棠邑大夫不言所在余謂棠齊邑也後漢志北海即
墨縣有棠鄉齊靈公十五年滅萊邑故為齊有後孟
子為發棠即此是也今即墨縣甘棠鄉

右四書釋地附

地志秦

都咸陽

右隴蜀

隴鳳翔府隴州西北六十里隴坂是蜀四川保寧府劍州以西皆古

蜀左關坂

關函谷關古關在河南府陝州靈寶縣南十里今曰潼關在西安府華州華陰縣東四十

里坂峭坂在河南府永寧縣北六十里

北有甘泉谷口

甘泉山在西安府涇陽縣北百二十

里谷口在西安府醴泉縣

東南四十里亦曰寒門

南帶涇渭

韓

韓武子封韓原即故韓國也宣子徙居州今懷慶府城東南五十里武德城是貞子徙平陽即堯都也哀

侯滅鄭徙陽翟今

北有鞏洛成臯之固

成臯即虎牢

西有宜

陽商阪之塞

宜陽今河南府宜陽縣商坂即商洛山在西安府商州東南九十里

東有宛

穰洧水

穰今南陽府鄧州洧水出禹州密縣境至陳州西華縣北合於潁水

南有陘山

陘山

在禹州新鄭縣南三十里亦名陘塞

魏

畢萬封魏城即永樂城也悼子徙霍即平陽霍州也魏絳徙安邑即禹都也惠王徙大梁遂稱曰梁即今

開封府

東有淮潁西有長城

史記惠王十九年築長城塞國陽以脩秦及西戎又秦紀

魏築長城自鄭濱洛以北有上郡固陽今陝西榆林衛
北廢豐州境有稠陽古塞鄭今西安府華州上郡今延
安經德州北有古上郡城蓋魏
惠王時河西之地猶為魏有
南有鴻溝史記河渠書
東南為鴻溝以通宋鄭陳蔡曹衛與濟汝淮泗會於楚
蓋即故汴河矣汴河舊自蔡陽東南至鳳陽府泗州東
入西城間
北有河外正義曰魏以
河內為河外

趙造父封趙城今平陽府趙城縣是趙夙邑耿趙衰居
原簡子居晉陽今太原府太原縣也獻侯治中牟今

彰德府湯陰縣西五十里中牟城是敬
侯始都邯鄲今北直廣平府邯鄲縣是
西有常山南有

河漳東有清河水經淇水東北過廣宗縣東為清河廣
宗今順德府廣宗縣又漢有清河郡今

為廣平府清河縣
清河舊經其處云北有燕國

燕

都薊今順天府附郭大興縣

東有朝鮮遼東

朝鮮今遼東塞外國

北有林胡

樓煩西有雲中九原

九原賈耽曰九原故城在中受降城北四十里今陝西榆林衛廢豐

州東北境是

南有滹沱易水

齊

都臨淄

南有泰山東有琅邪

琅邪山在青州府諸城縣東南百五十里

西有

清河北有渤海

楚

都郢

西有黔中巫郡東有夏州海陽

夏州車九曰夏口城北數里有洲名

夏州夏口城在今武昌府城西亦曰魯口海陽劉伯莊曰楚并吳越地東至海海陽蓋謂楚之東南境

南

有洞庭蒼梧


洞庭湖在岳州府城西南一里蒼梧山海經注云即九疑山也在今永州府道州寧

遠縣南
六十里
入漢
洵曰

北有陁塞郇陽

陁塞即陁山郇陽今漢中府興安州洵陽縣縣東南有洵水流

右戰國七雄



五禮通考卷二百十